

「清」潘仕成輯

海山仙館叢書

伍

鳳凰出版傳媒集團
鳳凰出版社

〔清〕潘仕成輯

海山仙館叢書

鳳凰出版傳媒集團
鳳凰出版社

目錄

初集	〇〇一
唐才子傳	〇〇九
古今偽書考	三五一
思適齋集	四四九
藝芸書舍宋元本書目	一〇四九
歷朝印識	一一二一
別下齋書畫錄	一二八七
墨緣小錄	一五七一
持靜齋藏書記要	一六六七

第二集 一八二一

南濠居士金石文跋 一八二五

鐵函齋書跋 一九六九

拜經樓藏書題跋記 二一九九

小鷗波館畫識 二五七五

遲鴻軒所見書畫錄 二六七七

國朝書畫家筆錄 三〇六一

第三集 三五四七

程氏考古編 三五五一

歷代壽考名臣錄 三七七七

雕菰樓集 四〇一五

知聖道齋讀書跋 五一九五

經傳釋詞 五二八九

古書疑義舉例 五五五九

第四集 五八三一

經讀攷異 五八三五

群經義證 六一七三

讀書脞錄 六三六七

家語證偽 六七三三

聲類 七一五七

書林揚鱗 七四七一

西圃題畫詩 七六四一

楚子問鼎
在德不在鼎

立孤與死孰
難

頃王

襄王子。名壬臣。六年。頃王子。名班。六年。

定王

匡王弟。名瑜。二十一年。

楚莊公伐陸渾。觀兵于周郊。王使王

孫滿勞之。楚子問鼎之輕重大小。對曰。在德不在鼎。

周德雖衰。天命未改。鼎未可問也。楚子慚退。

簡王

定王子。名夷。十四年。

晉屠岸賈滅趙朔。朔有遺腹子武。賈索

之急。朔客程嬰公孫杵臼謀曰。立孤與死孰難。嬰曰。

死易。立孤難。臼乃取他兒匿山中。嬰誑賈曰。與我千

金。告以趙氏孤處。賈殺杵臼及他兒。而真孤得免。後

十五年。武長。嬰與共謀滅賈。

六官之長皆民譽和戎五利

魯人爲奏六代之樂周禮盡在魯

古之遺愛

靈王簡王子名泄心二十八年晉悼公年十四甚賢六官之長皆民

譽遂復伯業時悼公欲伐戎魏絳陳和戎五利公從

之○二十一年孔子生至敬王四十一年卒葬魯北

泗上。

景王靈王子名貴一十五年子產相鄭一年民怨曰孰殺子產吾

其與之三年誦曰子產而死誰其嗣之子產卒仲尼

聞之曰古之遺愛也○吳季札聘魯請觀周樂魯人

爲奏六代之樂○晉使韓宣子來聘見易象春秋諸

書曰周禮盡在魯矣

覆楚復楚
包胥如秦乞
師

敬王

景王子名丐。四十四年。

楚人伍員父爲楚平王所殺。員曰：我

必覆楚。員之友申包胥曰：我必復之。員說吳伐楚，鞭

平王屍。包胥如秦乞師。秦王哀之，爲賦無衣，遂出師

敗吳。○孔子爲司寇，有子訟父者，赦之。季孫曰：司寇

欺余，嘗云治必先孝。今赦之，何哉？孔子聞之曰：罪不

在民也。○孔子相定公，會齊景公于夾谷。齊人奏夷

樂，劍戟而前。孔子責卻之。景公慚懼，乃歸所侵汶陽

地以謝。○孔子攝相事，七日誅少正卯。魯大夫。曰：人有

五惡：竊盜不與焉。心逆而險，行僻而堅，言僞而辨，記

墮三都

麤裘之謗

子路治蒲三
善

醜而博。順非而澤。五者卯兼有之。○孔子使子路爲季氏宰。墮三都。費邑。郕邑。成邑。皆三桓私立也。○孔子司寇三月。男女別于途。道不拾遺。魯大治。其初謗之曰。麤裘而鞞。投之無戾。鞞之麤裘。投之無郵。至是誦之曰。衮衣章甫。實獲我所。章甫衮衣。惠我無私。○子路治蒲。孔子過之。入其境。田野治。曰善哉。恭敬以信矣。故民盡力。至其庭。甚清閒。曰善哉。明斷以察矣。故民不擾。○孔子謂子路曰。試注水焉。中則正。滿則覆。夫物烏有滿而不覆哉。子路曰。持滿有道乎。子曰。聰明知審。守之。

臨河興歎

以愚功被天下。守之以讓。勇力振世。守之以怯。富有四海。守之以讓。○老子楚人也。李姓名耳。又名聃。爲周下吏。孔子如周。問禮于聃。聃曰。良賈深藏若虛。君子盛德容貌若愚。孔子曰。烏。吾知其能飛。獸吾知其能走。走者可以網。飛者可以矰。至于龍。吾不知乘風雲而上天也。老子其猶龍乎。○孔子適宋。習禮檀樹下。桓魋惡而伐其木。適鄭。鄭譏曰。東門有人。其顙類堯。其項類臯陶。其肩類子產。其腰以下不及禹三寸。累累然若喪家之狗。將適趙。臨河聞舜華見殺。晉賢大夫。歎曰。吾

西狩獲麟

熒惑守心

生聚教訓

臥薪嘗膽

古史集要卷一

二

之不濟此命也。遂反魯作春秋。以西狩獲麟遂絕筆。

○熒惑守心。心宋之分野。宋景公憂之。司星者請移于民。

景公曰。民吾子也。司星者曰。君有仁言矣。何憂。熒惑

果移三度。

元王。敬王子。名仁。六年。初吳越戰于檣李。吳王為越所殺。其子

夫差常使人呼曰。而忘越王之殺而父乎。三年敗越

于夫椒。今常州。越王句踐使人行成。許之。伍員曰。越十

年生聚。十年教訓。二十年之外。吳其為沼乎。越王歸

臥薪嘗膽。修政二十餘年。乃伐吳。吳亦行成。范蠡不

范蠡乘舟五湖

卿相布衣之極

初命三晉為諸侯

可吳王自刎。○范蠡知越王未可久事，乃變姓名為鴟夷子皮，泛湖去。後齊聘為相，喟然曰：「家致千金，官居卿相，布衣之極也。」遂解印散其金而隱陶，又名陶朱公。

貞定王

元王子名介二十八年

考王

貞定子名崑十六年

王以周微，力不能

支，乃封其弟于河南，為西周公。封少子于鞏，為東周公。○陳公子完奔齊，齊立為臣，賜姓田氏，為後田和祖。

威烈王

考王子名午二十四年

晉六卿

魏氏韓氏趙氏智氏范氏中行氏

共分晉

使尹鐸為晉

陽令

繭絲保障

沉竈產蛙

豫讓義士

漆身吞炭

將以愧人臣
懷二心

地而魏韓趙請為侯王許之。六卿分晉。天子既不能討而又寵錫之後此何

誅。趙簡子使尹鐸令晉陽。鐸曰繭絲乎保障乎。曰

保障哉。尹鐸乃損其戶數。使滅賊也。及襄子。簡子子。即位智

伯求地弗許。智伯合韓魏攻之。襄子走晉陽。三家圍

而灌之。城不浸者三版。沉竈產蛙。民無叛志。襄子使

張孟談潛約二家共滅智伯。分其地。襄子漆智伯頭

為飲器。伯臣豫讓欲報之。挾匕首入襄子宮。為左右

獲。襄子曰。義人也。舍之。讓又漆身為癩。吞炭為啞。乞

于市。期必報曰。吾以愧天下後世為人臣懷二心者。

豫讓不忘國

士之遇

過廬必式

文侯不失虞
人之期

君仁則臣直

後伏橋下。襄子過之，馬驚，遂殺讓。○初，讓欲報襄子，五起不中。人曰：「子嘗事中行氏，智伯滅之，不以報，今必爲智伯死，何也？」曰：「中行衆人遇我，我衆人報之；智伯國士遇我，我國士報之也。」○魏文侯師卜子夏、田子方，每過段干木廬，必式。世號文侯三友。○文侯與羣臣飲，會天雨，命駕將適野，衆止之。文侯曰：「吾與虞人期獵矣，可不一會哉？」遂往。○文侯問曰：「我今何如主？」皆曰：「仁君。」任座獨曰：「君嘗得中山，不以封其弟而封子，豈仁乎？」文侯怒，問翟璜。璜曰：「仁君。」君仁則臣直。

任座言直

子方不禮子

擊

貧賤驕人

五者足以定
相

向者任座之言直。是以知之。文侯召任座爲上客。○
子擊_{文侯}道遇田子方。子方不爲禮。擊曰。富貴者驕
人乎。貧賤者驕人乎。子方曰。貧賤驕人耳。富貴安敢
驕人。國君驕則失國。大夫驕則失家。夫士貧賤者。不
合則納履而去。安往不得貧賤哉。○文侯與田子方
飲。侯曰。鐘聲不比乎左高。子方曰。聞君明樂官。不明
樂音。今君審於音。恐聾于官也。○文侯卜相于李克。
曰。魏成翟璜孰可克。曰。居視其所親。富視其所與。達
視其所舉。窮視其所不爲。貧視其所不取。五者足以

三人皆君師

吳起殺妻求將

奇馬穰苴弗能過

吳起吮卒

定之。乃相成。璜不悅。克曰。成所進三人。子夏子方。干木。君師之子。所進五人。李克。吳起。樂羊。西門豹。屈侯附。君臣之子。惡得比成也。璜默然。○魯欲將吳起。魏人。攻齊。疑其妻齊女。遂殺妻求將。大破齊。或言曰。起嘗不奔母喪。今又以將殺妻。忍人也。起懼奔魏。李克曰。起雖貪淫。然用兵卽穰苴。莫過。魏將之攻秦。拔其五城。起爲將。能與士卒同甘苦。卒有患疽者。起爲吮之。嘗觀樂羊爲將。食子示威。易牙主庖烹子獻主起。眞其流哉。呂氏曰。起貪人。何與卒同甘苦。以貪功名也。猶漁人以餌致魚。非肯捨餌。志在魚也。貪也。

安王。威烈王子名驕。二十六年。齊田和遷其君康王海上。自求爲侯。

古史輯要卷一 周紀

三 海山仙館叢書

吳起勸武侯
修德

在德不在險

舟中之人皆
敵國

吳起田文論
功

王許之。○魏武侯子擊浮西河，謂吳起曰：「美哉山河之固也。」起曰：「昔三苗左洞庭，右彭蠡，禹滅之；桀右太華，左河濟，伊闕在其南，羊腸在其北，湯滅之；紂左孟門，右太行，常山峻其南，大河經其北，武滅之。蓋在德不在險。苟不德，舟中皆敵國也。」○魏相田文、吳起爭曰：「將三軍，使士卒樂死，孰與起？治百官，實府庫，孰與起？守西河，秦人不敢東向，孰與起？」三者出吾下，位乃加吾上，何也？」文曰：「主少國疑，方是之時，屬之子乎？屬之我子？」起懼，奔楚，立為相，多廢公族，共殺之。○子思、薦